

Stamnes Bygdalag

V/GM Gammersvik

5727 Stamnes

Stamnes 01.08.22

Til

Vaksdal Kommune

v/Bygdeutviklingsutvalet

Søknad om støtte til gjennomføring av fiskefestival på Stamnes 2022.

På vegne av Stamnes bygdalag søker me om 75 000 kr støtte til festivalen.

Fiskafestivalen på Stamnes har lange tradisjonar og har vore arrangert siste helga i juli snart 50 år. Det har vore eit samarbeid mellom fleire lokale organisasjonar der me prøvar å vise Stamnes frå si beste side. Den har vore godt besøkt med kjekke aktivitetar for folk i alle aldrar. Slik har dette vore eit viktig bidrag til å samle bygda og gje innbyggjarane med tilreisande gode opplevelsar. For organisasjonane er dette eit viktig bidrag til å halda på dugnadsånden og økonomisk gevinst til å drifte vidare.

For å konkurrere med alle andre aktivitetar i samfunnet har me utvida og måtte satsa litt ekstra for kvart år. For 2022 var det kjende artistar i aksjon og det kostar store beløp. Pga pandemien var dei allereie booka i 2019 og utsett til dette året.

Det kom i vår fram at det var planlagt ein ny festival i kommunen. Det synt seg at denne var planlagt til same helga som fiskefestivalen. Ein tok straks kontakt fordi dette ikkje var bra, og prøvde å få dei til å flytte dato. Det lukkast me ikkje med. Prøvde så me Vaksdal kommune om ikkje dei hadde våre faste datoar i sine kallendarar, og søkte om at dei ikkje måtte ha to festivalar same helga. Her fekk ein til svar at dette var bra saker og dei ynskte alle lykke til. Men, Vaksdal Kommune er ikkje stor nok for to festivalar same helga!

For oss er dette omtrent som om vintertreffet på Vaksdal bli arrangert samstundes med Daledagane. Då hadde vorte vertfall nokon sagt frå og gjort noko med det.

Me tykkjer det er bra at det kjem nye arrangement i Kommunen, og er imponert over kva dei har laga til. All æra til dei. Men når dette skjer same helga vil begge partar tapa.

For oss gav festivalen mykje mindre overskot enn det som me hadde håpa. Det er normalt viktig bidrag til å klara å halda unna utgiftene. Søknads summen er same som andre i kommunen har fått for tilsvarande arrangement. Ein gjer merksam på at me driv dette med frivillige organisasjonar på dugnad og mens andre aktørar driv sine for å tena pengar.

Me har fokus på sosiale aktivitetar for folk i alle aldrar, og gjer alt me kan for bygda vår. Då håpar me at Vaksdal kommune støttar oss slik at me kan ha denne festivalen inn i framtida. Dette er viktig for bygdene sin eksistens.

Mvh

Geir Magne Gammersvik

For styret



FISKEFESTIVAL

på Stamnes
29-31.juli 2022



Fredag

Middagshaugen opp
Motbakkeløp (alle aldra)

Sentrum

15:30 Påmelding i Stamnes sentrum.
17:00 START LØP
Trimklasse kan gå fortløpande.
18:00 Premieutdeling i Aktivitetshuset. Sal av drikke og noko å bite i frå kl 16.00

Grendahuset Frilund

21:00 Quiz i grendahuset Frilund. Quiz mester Eirik Vinsjansen. kr 100.
18 års aldersgrense

Søndag

kl 12-15 open utstilling på KUNSTverkstaden.

Lørdag

11:30 Opning utstilling i KUNSTverkstaden. Kunstnar Eva Langhelle.
12.00 Oppstart av aktivitetar på kaien: Hoppeslott og ansiktsmaling/ Grillmat og kafe/
Marknad med lokale produkt og aktørar.
Utstilling i Sjøtun v/veteranklubben
Veteranbussar frå MEB på kaien. Bli med til Skipshelleren.
13:00 Start fiskekonkurranse. Sal av fiskekort frå kl 11.00 (kr 50/ 150)
15:00 Slutt fiske. Innveging av fisk.
15:30 Bilkortesje, veteranbilar med meir.
16:00 Premieutdeling

19:30 Dørene opnar i grendahuset Frilund.
Fri aldersgrense.
20.00 Show med Finn Tokvam, Olav Stedje og Erlend Styve.
'Vi vandrar saman' jubilerar. Populær- musikalsk sladder og rom for allsong. Ope for dei under 18 år med ledsager.
21.30 Vestlandsfanden spelar opp til storkonsert og fiskardans.
18 års aldersgrense

SAL AV BILETTAR: show kr 350, konsert og fiskardans kr. 400
fri entre heile kvelden kr 600 (for dei over 18 år).
VIPPS til Stamnes Bygdalag nr 756034. Vis vips ved inngang.
eller scann QR kode på eigen show/ konsert plakat
Bilettar kan og kjøpast hos Solbjørg Veka Zuliani tlf: 95783633

Våre sponsorar

Leiren Laks / Jernia Rokne
Dale of Norway/Voss aktiv
Norgesmøllene/Fjordline
Myrkdalen skisenter/Armpo
Rødne båt/Voss vind



arrangørar
Bygdalaget
Stamnes idrettslag
Brørvikaskuto
Veteranklubben





DISKUTERTE: Politikerane i bygdeutviklingsutvalet har 500.000 kroner i tilskotsmidlar til fordeling i 2022. Foto: Kristine Næss Thorsen

Av [Kristine Næss Thorsen](#)

Publisert: 19.04.22 17:45

Del

Bygdeutviklingsutvalet løyvde tysdag 75.000 kroner til ein musikkfestival på Geitabakken, 100.000 kroner til å gjera «Brørvikskuto» sjødyktig og 20.000 kroner til ei historisk utstilling i Eksingedalen.

VP har tidlegare skrive at dei som også står bak Slice på Stanghelle skal arrangera ein musikkfestival på Geitabakken i sommar. Til bygdeutviklingsutvalet vart det søkt om 75.000 kroner i tilskot til arrangementet, noko utvalet samrøystes vedtok å tildela.

Arne Normann (KrF) hadde fleire spørsmål i saka.

- Er dette ein oppstart? Eller skal ein støtta festivalen kvart år, spurde han. Det er eit springande punkt for meg. Ofte er det jo slik, at kommunen går ut og gjev ein underskotsgaranti, sa Normann.

Evy Kvamme (SV) og Line Eide Vik (Sp) var også positive til å støtta festivalen.

- Den kan vera med å setja Vaksdal kommune på kartet, meinte Kvamme.

Bra interesse for festival

Ståle Hesjedal (Ap) var positivt innstilt til saka.

- Eg tenkjer me støttar ein oppstart. Dei unge arrangørane har null i kapital, utanom det dei satsar sjølv. Dei treng ein del pengar til å inngå avtalar om lyd, lys og scene. Eg ser på Facebook at dei allereie har selt om lag 100 billetter, så det ser ut som det er stor interesse for festivalen. Om dette vert bra, kan det vera noko som kan skje kvart år, sa Hesjedal.